




UNIVERSITÄTS-  
UND LANDESBIBLIOTHEK  
BONN

kalkomp

587077

Mag. St. Dr.

1







587077

1

Mag. St. Dr.

# EXHORTATIO

Ad

Nobilissimam Generosissimamque

POLONIÆ  
NATIONEM,

Occasione Belli, a REGE  
SVECIAE CZARO Mosco-  
rum nuperrime  
indicti.



EXHORTATIO

Ad

Nobilissimum Generosissimum

mandatum

POLONIÆ

NATIONEM.

Occasione Belli, a Rege

Sveciæ Czaro Mosco-

rum rupturæ

indicti.

587077

I

Bibl Jag

Ms. B. 18. 87. 20



**U**AS Aula Moscoviti-  
ca jam diu, ac præsertim  
annis proxime præterlapsis,  
inierit agendi rationes, ne-  
minem, nisi inani obcæca-  
tum præjudicio, dubitare  
finunt, perexiguum Æquitati & Justitiæ ab  
Eadem statui pretium, consiliaque ac moli-  
mina ipsius, tantum non omnia, eò diri-  
gi, ut immoderatis suis cupiditatibus plene  
plæneque satisfaciat.

Nullam sane occasionem neglexit  
suam, contra jus fasque, dilatandi po-  
tentiam; Se vero ipsam ceu arbitram, Ju-  
dicem, & Statoris obeuntem munia, inter  
alias Summas Potestates audacissime ingessit,  
ingeritque.

Pacta, Foedera & Tractatus pro lu-  
bitu interpretata est, vel, ubi id fieri non  
potuit, nullum eis reliquit locum. Quam-



primum vicinæ gentes nefariis illius destinatis coeptisque promte annuere detrectârunt, minas statim intendere, eisque insultare haud est verita. Quid multis? improba Moscorum temeritas & confidentia omnem adeo superavit modum, ut de hac sublestæ fidei & arrogantissimi tumoris Aula non aliter videatur judicandum, quam quod sibi persuasum habeat, neminem sese ejus arbitrio vaferrimisque machinationibus opponere ausurum.

Justissimæ causæ, quibus commotus fuit Rex Sueciæ ad arma contra superbum isthunc vicinum capeßenda, in Declaratione Regia nuper edita universo orbi perspicue satis apparent. His autem, quæ superius expositæ sunt, rationibus ceteros Russiæ vicinos quoscunque incitari necessum est, ut omnem arripiant opportunitatem tyrannidi huic maximopere obnitendi, ne pace diuturna nimium invalescens Moscus, brevi temporis spatio ita suum extendat  
cor-



corroboretque dominatum; ac reipsa, eo-  
que experimento, immanem comprobet  
omnibus imperitandi libidinem, ut ipsimet  
tristem libertatis suæ faciant jacturam, at-  
que intolerabili subjiciantur jugo.

Præcipue vero arma Svecica Generosis-  
simæ Nationi Polonicæ ansam subministrabunt  
longè commodissimam, injurias, quibus  
temerario laceßita fuit ausu, vindicandi,  
& amplissimas opulentissimasque Provincias,  
a Moscovitis tam diu injuste usurpatas, in  
pristinam potestatem postliminiò redigendi.

Quam effrenata sit insolentia, Juribus  
& Privilegiis liberæ Gentis vim inferre, ne-  
mini obscurum esse potest: nihilo tamen  
secius id sibi integrum duxit Aula Russi-  
ca; Regiones Reipublicæ multoties arma-  
ta invasit manu, alienis nihilque ad se  
spectantibus rebus sese immiscuit, turbis-  
que, factionibus & diffidiis cuncta im-  
plevit.



Et quemadmodum Moscovitæ, quavis occasione, in Polonia cogitata persequerunt sua; Sic Reipublicæ terris, ad sustentationem agminum suorum, adeo non pepercere, ut blando sub Amicitia & Fœderatorum nomine, durante cum Porta Ottomannica bello, incolas Poloniæ domicilia sua deferere coegerint, agrosque, bonis eorum dilapidatis & direptis, vastaverint.

Quin etiam de Feudis Reipublicæ pro arbitrio disponere, sibi plane relictum putavit Russia; id quod recentissimis non minus quam evidentissimis documentis, plus vice simplici, jam testantur res Curlandicæ.

Innumera fere ejusmodi indicia, quibus suum in Rempublicam animum declararunt Moscovitæ, non possunt non quemlibet vere Polonum summa afficere indignatione ac sollicitudine, quod Patriam carissimam violento eorum fastu oppressam, &

tan-


tantum non ad incitas redactam videat.

Verbis exprimi vix potest, quam faustum quamque jucundum sit civi cuivis bono, adesse subsidia adversum tristes, queis affligitur Patria, angustias, certasque suppeditari rationes libertatem securitatemque recuperandi pristinam, & salutem publicam perennique incolumitati rite prospiciendi.

Cumque Rex Sueciae in eo jam sit, ut improbam Aulae Russicae compescat arrogantiam, evidenter certe constat, Illustri quoque Nationi Polonicae patefactam esse viam, universo Orbi luculentissime testatum reddendi, infauftam & adversam fortunam generosum Polonorum animum nunquam fuisse debilitatum fractumque. Omnium vero minime existimandum est, libertatem Majorum sanguine partam a Poloniae Republica adeo contemni, ut Russis sponte obnoxia, cum foeda servitute illam commutari patiatur. Nec quisquam, sine aperta Gentis Polonicae calumnia & injuria, sibi aliisque persuadere po-



poterit, cum non omnibus viribus in id in-  
cubituram esse, ut Regi Sueciæ associata,  
fortitudine solita armorumque felicitate  
libertatem sibi suam restituat, illamque firmissi-  
mis munimentis præsidisque stabilire conetur.



Biblioteka Jagiellońska



str0024648





